

瀏陽陶氏譜序

祠產之建也不建於建之時必有所由建譜牒之修也不修於修之日必有所由修夫其所由建與其所由修者恃同心合志之人先端其本而已我基祖全明公自明來瀏績德累仁迄今二百餘年某里某都為前人立業之所某山某水為先子耳墓之鄉里彰乚源流井井先君子嘗欲大會宗盟而家務旁午有志焉而未逮歲甲戌予兄弟四人與兆常弟斂金聯會以為建立祠產之資以為修明譜牒之費逐年生息子母相權予兄弟與兆常冒其任總其成矢公矢慎無一毫自私自利之心及丙戌相土官擇地利始建祠產於車田其於先君子未逮之志或庶幾其少慰乎而譜牒未修此心終鬱乚也予方謂兄弟聚首偕我子姪謀諸宗黨則家乘之修自有待以觀其成遭家不造荊樹花枯上下二十年間吾弟三人相繼云亡予今皤然七十叟矣夙夜思維未知何時克遂厥志也癸巳之炭族跟冬會相與謀修譜牒付之創刷而子姪輩皆踴躍從事第念家世雖鮮科第光耀譜乘而忠厚相傳奕世無忝今茲之役序我宗支聯我族誼當思源遠者流長根深者枝茂其所以保世滋大以恢鴻先緒者不外序昭穆別尊卑講明家訓詳立宗約令世世子孫雍雍穆穆相與敦一木之龍放勿替突事錦張揚淨面誕瑣而襍貽穢史之譏哉乃子姪宣等受命而往克體我心釐世系詳世紀分曹別類彙次成編閱數月而譜告成予展卷披讀適愜吾意不禁歡忻慰藉一以先

君子未成之夙願於茲克酌一以祠產所由建譜牒所由修皆吾兄弟等同心合志克端其本之所致也今而後凡我子孫念茲祖功宗德當繼緒其皇毋不孝不弟千名犯義母刻薄寡恩倚勢欺人毋驕奢淫佚不務本業母寡廉鮮恥墮厥家聲毋強侮弱眾暴寡母少陵長小加大恪守家訓祇承宗約以光前烈以裕後昆是則予老人所望於後嗣爾後嗣其敬聽之急

八世孫士能世瞻甫序

惜陰堂譜序

靖節公贈長沙公詩序云昭穆既遠已爲路人其詩曰同源分流人易世疎慨然寤嘆念茲厥初予讀詩至此未常不掩卷傍徨而嘆譜牒之當修誠亟也夫自我族發祥於晉名賢輩出代有其人厯傳全明公兄弟由新溪來瀏子孫蕃昌或創業於東北或立基於西南星羅棋布殆靖節公所謂同源分流者乎奈遭兵

燹之餘門分戶別勢渙情疎則又蹈靖節公所云昭既這已為路人之慨老夫竟尖徒得之浩嘆高已耳幸我宗祖之庇疊生偉人如世瞻世俊世傑位三兆常等不忍使數百年宗支長此契濶於是會聚族眾出金起息相與建祠立產於車田茲又率諸子姓謀修譜牒則是公之視為路人者今則情聯義治矣公之同源分流者今則溯流尋源歸於一本矣樂孰有樂於此哉經不敏學愧彫蟲才慙管鮑窮年舌耕歷數十寒暑如一日所諄諄為諸生訓者亦以重本敦行為先今幸譜牒告成更願族之人奕世戴德不忝昔人勿凌弱暴寡勿犯上作亂孝親敬長恤孤憐貧雍雍穆穆亦遵讓仁之風於勿替是則余之厚望也夫是為序

時

乾隆三十九年甲午歲仲夏月

公元二零二五年夏月

重刊

八世孫士經達九甫序

序

予總角時嘗聆伯大人友諒公先君子希靖公言我陶氏一宗自勝國全明公兄弟由新昌之新溪卜遷茲土其後子姓椒耶四鄉錯處迄今居址廬墓厯厯可考緣經兵燹家乘燼於狼烟以致一本之親逸若鳥准每相對道及苔以之幸先大人幼負夙慧孝友性成日侍曾王父定宇公諸叔前傳其大概筆之草札雖屬秦燄之餘而本支世系朗若列眉命予小子編葺完善會聚族眾謀登棗梨以昭茲來許顧一時之人心尚渙而未萃非敢緩也蓋有待也歲乙亥猶子顯陽年甫冠以郡試冠軍得邀寸進卽有志倡修奈天不假以年長逝者私憾無窮矣越己卯左家灣鈞宣姪接踵而補弟子員此天之佑吾宗而陽姪不能及身而觀成者宣姪有以仔其任矣因將甲戌年與諸兄弟釀金聯會所積累者置祭田建義倉為鳩宗之左券今又仰體

聖諭篤宗族以昭雍穆之旨僉議鐫譜余雖邁幸躬逢盛事得籍以慰先人當年各之深情適割

劂告竣勉志一言弁諸簡端使後世之讀斯譜

者不忘所自也已

家譜序些底 固人介二近世名門右族莫不序譜族中人苟有起而任修之責者則敬宗之心翼子胎殊之計可藉以共傳力正不必出諸已也吾兄弟守拙田園未嘗學問纂修之事謝不敏矣至於世系之源流雖能言其大畧而當局者編次已詳無煩贅述也第念祖宗當年所爲澡身浴德馨香家乘以昭來許者所望後之人繩其武象其賢綿世德於勿替也士農工賈無遷異而恒其業孝弟忠信當循分以盡其道遵所聞而行所知則以副祖宗之望示子孫之型而無愧於名門右族者不外夫此吾年且九十幸生大平之世飲和食德壽考且寧雖老無善狀足述然而怡乚聚首式好無尤時亦教人以敦厚退讓戒其輕蒲庶幾古道照人與吾家譽髦斯士有能顯身揚名廸光前烈是固老人所企而望之願切同榮者乎譜旣成而昆弟子姪謂亦有言也於是乎書

儼仲 達甫

八世孫士 敬譔

俊仲 元甫

原叙

前人有欲爲之事後人當勉爲之後人存勉爲之心而不敢遽爲者非以其事之可緩而故遲回焉以有待正以事必先樹其心爲之基而後能爲所欲爲才不敏少承先人訓先君子嘗以所欲爲勗予曰我基祖全明公自明嘉靖初由新昌曰止劉疆迄今蕃衍昌熾要皆發祥於新溪緣遭遷徙舊譜毀於兵燹猶幸先人之手澤尙在爾王父嘗欲修明之奈費無所出而巧婦不能爲無米之炊予又以家務紛紜半生倥傯雖欲爲焉而未逮爾曹讀書當念事莫大於敦本禮莫重於收族修譜牒以昭示來茲是前人所欲爲者爾勉爲之則吾之願也嗚呼言猶在耳而先君不祿已數年矣予小子時銘於心欲爲此舉而猶未爲者非敢緩也誠以事不先樹其基終不能爲之而裕如於是予兄弟與兆常兄倡議釀金得銀若干議每年出息輪接凡我兄弟當矢慎矢公毋自私自利勉力共驤庶將來建祠修譜有基而前人所欲爲者不至懸而無薄莫克仰承厥志而爲所欲爲也謹述其概於端以共勗云

時

皇清乾隆十九年歲次甲戌長至日

自序

甲午春夜宴惜陰軒因剪燭勸譜事大要不外朔源尋流去坂援之隨習立法垂誠講敦睦之懿規而其中酌古準今分曹別類彙次成編惟在續修者變而通之無所謂奇也我陶氏溯其源則有蒼巖公之遺編與族叔兆常所珍希靖公之手錄一冊若合符節尋其流則滿公創業於北鄉之坪下贊公立基於平安洲之黃社里及我在文公卜遷於雙江口有陶家洲之遺址在焉三支子姓鼎峙森列立法本家禮垂戒遵律例燮菴兄舉其綱諸父昆弟分理其緒釐世系詳世紀是其根者合之非其種者鋼之而板援之隨習去矢又爲之垂家訓立宗約令世世子孫敦倫飭紀綿世德於無既而啟睦之懿規講矣若夫受父兄之命任續修之責雖極經營淡原賢子孫分內之事無庸專利而掠美也無容居功而市名也此之謂修譜也顧吾見夫世之修譜者矣扳華胄援望族如孟德冒姓崇蹈拜墓甚至諸狐附胡戴鈴致誚貽千古之笑資此固無容置咏他如聯族會譜侈爲閥閱或以富貴驕或以勢利尙強凌眾暴各立藩籬究於敦倫睦族之道無與又或有編修家乘予智自雄假他人之筆畫自己之傀儡車其功於己炫其名於後有識者慙然厭且嗑然笑矣嗟乎譜豈易言修哉猷不才半生攻苦未獲邀寸進以爲宗族光心常悵乚又頓遭鍾情之痛靈臺憤亂忽乚若失雖間一入局直等諸游夏焉耳譜成用弁數言於端非敢云序聊寫一夕話云

序

昔宣尼稱武周達孝在繼述之善善者通經權余常愛有聲之詩所云世德作求是也斯意也自天子達於士庶凡爲人後者舉宜如此球不敏未遑繼述敢言善乎然而其心則勃乚矣念我陶氏自勝國全明公兄弟肇基茲土厯有年所奈遭兵燹之後家乘附之秦灰而族姓四散有覲面而不相識者矣有賀召而不至者矣一家鳬雁良可慨也歲甲戌諸父與先君子商解囊出金玉成其會爲建祠產修譜之左券逐年出納公正是持此先人事也而志在焉詎天降割於我家乙酉春先君不祿賻志以終而其事亦遂委我後人伯兄繪良仰承厥志因與諸父昆弟協力以襄其事置祭田建宗祠爲蒸嘗之備而先人志事所在差幸繼述其萬一去年春議修鐫譜而昊天不弔復奪我伯兄之算嗚呼十年之內椿靈旣萎荆樹旋枯致使有心繼述者不能及身而就緒今茲之役小子宁無責乎堂兄燮庵鴻禧等受父兄之命不憚勤勞舉前人所遺手澤一帙正本清支編葺完善使陶氏一脈上祖禰旁昆弟下子孫較若列眉此繼志述事之大者也球幸與襄其事當剗劂事竣耶述先君暨伯兄之志事於簡端而撫今追昔深愧繼述之未能有悲喜交集已耳若云善也則吾 豈敢

自叙

我陶氏譜告成矣譜成於誰成於族賢達吮墨濡毫為先人作董馬而實成於先君子抱殘守匱為先人守藏書也我陶氏自唐堯得姓代有聞人照耀史冊沿至我朝疊經遷徙蓋亦稍凌夷衰微矣因之鼎革遞更家乘厄於祖龍先君子幼承庭訓將蒼嚴公遺編徵文考獻加以編集樹下之甕積有成牒雖未必字櫛句讐而孔壁之藏使四代之書不磨滅於秦燄者不可謂非安國之力也壬戌秋欲將勒成遺編偕全慶公一支往新昌協眾修明而人心渙散未遂厥志因於甲戌秋倡諸父派起蒸嘗之費逐歲權其子母公慎是矢奈天不假以年賣志以沒嗚呼先君之志苦矣而不能親見譜牒之完能無悵乚於泉壤乎則予小子之責其又奚辭但先君遐升之後家政逼人而來以致舉業就荒今年春族議鐫譜予小子因家事旁午尤念老母草霜風燭滫髓之奉不敢擅離未分筆墨之任小子忍焉適譜成受而繙之見其分門別類不墮於荒唐穢雜雖斷自堂昆變菴之手而其間之支派何以明昭穆何以辨以及梓材之費筆墨之需非先君子預為之地則問徑者不幾有南北之暗乎則小子今日得見先人之然獨存者共來有自免嘲之恣有功德者在魂

典異時宗祠鼎建先君應在配享之列顧茲不敢遽望史評班馬不云乎創始者難因仍者易和偉之禮創目子長而帝堅持踵其步越此為平情之論後之前是譜者而亦有是言則先君在天之靈想亦陰為首肯也已

自序

九世孫鈞簡敬夫甫 謹書

事有前人欲為之而志未逮者後之人當繼為之乃後之人欲繼為之而復迫於遇而不得為限於識而不能為則正望有人焉舉其事而為之無異為前人之所欲為者而已乃得慈其間以自附於貸勤之列也石角時先考手冊示曰此吾家近代世系也久志纂修苦乏同人倘異日族間賢俊有能倡斯首而董厥成者小子其黽勉從事無敢告勞也爾時雖小心切識焉胡天不吊吾父奄然長逝矣憫予小子零丁孤苦童年廢學家累百端謀生無暇又安問世系之修否乎然於手澤所遺則固什襲藏之間一繙閱見自全明公分房以下其生年卒葬編注之悉較若列眉未嘗不嘆先君之奪泄赦宗遺後人以考據者意深且遠而惜乎石之不克繼其志何也茲者族兄燮菴先生偕其昆弟慨然以修譜為已任上溯長沙公迄來瀏之祖正本澄源清支別派貫以各房之世系則如川流之脈絡分明而朝宗於海蓋卽其聞見之確鑿者而為之也矧

得薦紳名流之論定則斯譜也不洵有典有則足以信今傳後也哉吾謂兄之爲此不僅一人之光而實功施於合族雖以石之愚幼亦許興於局中以從諸昆之假令先人有知其舍笑於九泉者可勝悼念乎是爲序

黃社里九世孫鈞石伦 敬譔

重修自序

夫家之有譜國之有史也我陶氏族譜自乾隆甲午歲燮菴伯憚盡心力遍歷湖湘考訂源流徵諸載籍精詳備極迨今四十餘年子姓生齒日繁分遷遼濶恐有路人之譏此亟亟乎之宜重修也蒙族過舉囑予以董其事惶愧才疎黽勉是從奔走東西驅馳南北生卒年月廬墓圖向契約讚傳數月之間抄錄呈政春田兄細加繙閱云我姓族譜全明全慶二公兆自新溪來瀏全慶一支昔年往江西修譜是時世俊兆常二公協眾往修人心渙散未能合修嗣有信召因事阻隔雖未聯乘我全明一支經燮菴伯之修已無羽義灸丁日甲午之修兄嚴其後今乙亥重修請弁其首兄適抱恙終以煩劇見辭未幾棄世悲感何似予不忖固陋

一遵燮菴成法未敢稍易隻字惟將分列三圖增刊九族五服之圖補輯契約敬避

聖諱廟號而以非敢追美前徽惟翼雲祇後繼是爲

序

十世孫潯瑾興玉甫 謹書

序

從來人之有譜由木之有根水之有源也木有根而枝茂水有源而流長人有譜則千枝萬派而不散卽或散而萬殊總歸於一本者是則譜之必修而不可不修者蓋有固然也矧我譜修自乾隆甲午歷今四十餘年丁繁派衍繼繼繩繩目擊其更有甚於前人者大有在也雖燮菴諸先君子創有不易之成法後之人可覽其源者然丁繁派衍苟不爲之防危杜漸倘世易人疎恐不免以假而亂真者有矣近歲每與春田兄嘗相商議而春田兄亦欲以此爲己任意誠惓惓也用是甲戌蒸嘗會諸昆弟謀及宗黨約明年舉興玉董其

事纂集世系文篇請閱呈證於春田兄不意胡天不弔降割我宗乙亥秋兄遂抱病而兄竟升遐而長逝也斯時悲感交戚而修譜一念合族遂不覺無意於其間矣吾於是與興玉以董其事玉乃墨任仔纂而吾首之倡越十有二月而譜告成由此言之玉雖遵先人之成法而要亦非有才者固莫爲也但是役也吾雖未嘗與弟分任筆墨之勞凡綜理一切與夫宗族往來銀錢用費之需無不惟我所問用是矢公矢慎吾一一未敢告勞惟是克篤前烈以詔將來者此心此志也噫吾方謂今之修乃昔之成雖憚心竭力莫過前人不謂後之修乃由是昔之不易予即不敏有不能不

爲之言者是用敬成數語以昭後裔於不朽云

後之人其知之

三修自序

古者天子建國因生賜姓昨之土命之氏諸侯以字爲氏以謚爲族下及三代官有世功則有官族邑亦如之周礎小史掌邦之志定世繫舞昭穆故有世本錄黃帝以來諸侯大夫名號繫謚使天下氏族上之於朝民間無所謂譜也自世本旣亡公侯子孫失其本繫於是司馬遷作史記爲世家三十亦但明姓氏之所由出而已晉魏以降始有譜局令史之設則天下之講官主之故其時有司選舉必稽譜錄而考其族望若賈弼之姓氏簿錄王儉之百家集譜特以辨士庶資銓選也於是言氏族者或重官爵或誇門第或稱右姓或矜地望其弊也重官爵者進庶子而退嫡長誇門第者先外族而後本宗稱右姓者畧伉儷而逐華腴矜地望者徇勢利而忘禮教甚至祭泰伯之祠拜汾陽之墓取漠不相關之人而祖之其弊可勝言哉故後世欲明世系辨昭穆周禮之法旣不可行則莫如家自周譜猶不至失貴之過甚善乎眉山株氏斷自可知之言足爲萬世法也吾族自前明嘉靖中顯較公由新昌挈家來瀏至 國朝子姓繁衍乾隆甲午麒大高叔祖兆常公及族大高祖世俊位三公諸人始鳩宗建祠創修家乘其時江右來瀏之譜經兵燹後散佚無存於是取先人手錄者次序成之藉氏新自可知之義而以顯載公馬始嘉度乙亥族高愛公諸人乃重修焉其例一仍乾隆甲午之脊未達遠溯蓋其慎也考陶氏郡望原出濟陽禹貢陶邱是也殷民七族陶氏爲首與通志所謂舜陶河濱其後爲氏者音同而義異惟淵明命子詩溯源陶唐下逮閔侯允合於數典不忘之語自

閔侯以後若後漢徐州收謙三國吳交州刺史基子璜孫威曾孫綏四世爲交州刺史以及山中宰相宏景皆丹陽派也長沙賜券實始晉大尉桓公侃公本鄱陽人遷居潯陽卽今九江府德化縣由是丹陽潯陽郡望遂分爲二故論其所自皆出閔侯而同源異流長沙爲近今散在吳楚間者蓋桓公裔也道光中安化族文毅公總督兩江倡建長沙族祠因合長郡八邑之爲桓公裔者公建祠於會城之北以桓公爲始祖而以八昌之始遷焉既又有會修八品通譜之議未幾公薨遂不果而吾瀏族譜自嘉慶乙亥以後迄今未修者亦六十年矣同治癸酉族祖樹光樹信公諸人倡議續修已而樹光是冬下世信公遂率族人分理其事以癸酉冬經始至甲戌秋七閱月而譜成雖其中生卒塋葬不無缺略然以歷年旣以徵信無從有不得不付之闕文之例者譜旣成命一言弁其端甄思蘓氏譜引有曰親盡無服則塗人也吾所塗人視之者其初兄弟也兄弟其初一人之身也一人之身分而至於塗人者勢無如何也幸其未至於塗人使無至於忽忘焉可也嗚呼聞是語者孝弟之心亦可以油然而生矣然則今日之明世系辨昭穆使無至於忽忘者樹信公及諸賢之功顧可沒乎哉是役也樹信公董其事分任者則族伯熙雅族叔祺蓁族叔祺吉族叔

攀桂族叔襄臣族叔熙椿諸賢之力尤多云惟甄以衣食奔走遠館於外未能襄事祠中每念諸賢敬宗收族之心是則滋愧也夫是則滋愧也夫

同治十三年甲戌八月初五日

十三世嗣孫甄培城敬撰